

ქ.ამბროლაური

2022 წლის 12 აპრილი

სხდომას ესწრებოდნენ:

1. ბესიკ ბაქრაძე - ამბროლაურის მუნიციპალიტეტის ხიდიკრის ადმინისტრაციული ერთეულის მოსახლეობის წარმომადგენელი

2. ივანე სხირტლაძე - ამბროლაურის მუნიციპალიტეტის სხვავის ადმინისტრაციული ერთეულის მოსახლეობის წარმომადგენელი.

3. თამარ ფრუიძე--შპს „ბარაკონის“ წარმომადგენელი.

4. ირინა კერესელიძე - არასამთავრობო ორგანიზაცია „წითელი ჯვარი“-ის წარმომადგენელი

5. სოსო ცხვედიანი - შპს „გეოფლაუერი“-ს წარმომადგენელი.

რეგისტრაციის შედეგად სამოქალაქო მრჩეველთა საბჭოს 22 წევრიდან საბჭოს სხდომას ესწრებოდა 5 წევრი.

სამოქალაქო მრჩეველთა საბჭოს დებულების მე-3 მუხლის თანახმად საბჭო არ არის გადაწყვეტილებაუნარიანი, რადგან მას სიითი შემადგენლობის უმრავლესობა არ ეკარგება.

შეხვედრას უძღვებოდა ამბროლაურის მუნიციპალიტეტის მერი ზვიადი მხეიძე.

სხდომა შეხვედრის ფორმატში გაგრძელდა.

დღის წესრიგი:

1. სამოქალაქო მრჩეველთა საბჭოს თავჯდომარის ბუკა კაციტაძის განცხადების განხილვა, უფლებამოსილების შეწყვეტის შესახებ.

2. სამოქალაქო მრჩეველთა საბჭოს თავჯდომარის არჩევის საკითხის განხილვა.

3. სამოქალაქო მრჩეველთა საბჭოს წევრების სტატუსის შეწყვეტის საკითხის შესახებ.

მოისმინეს: ზვიადი მხეიძემ საბჭოს წევრებს გააცნო ბუკა კაციტაძის განცხადება, რომლითაც მოთხოვნილია თავმჯდომარის თანამდებობის დატოვება და საბჭოს წევრობის სტატუსის შეწყვეტა, სამოქალაქო მრჩეველთა საბჭოს დებულება ითვალისწინებს საბჭოს დატოვებას პირადი განცხადების საფუძველზე, შესაბამისად უნდა დაკმაყოფილდეს ბუკა კაციტაძის განცხადება და შეუწყდეს სამოქალაქო მრჩეველთა საბჭოს წევრობის სტატუსი, შესაბამისად საჭიროა საბჭოს ახალი თავმჯდომარის არჩევა, რადგანაც სხდომაზე არ გამოცხადდა წევრების საჭირო რაოდენობა ახალი თავმჯდომარის არჩევამდე მის მოვალეობას შეასრულებს თავმჯდომარის მოადგილე ირინა კერესელიძე.

საბჭოს იმ წევრებს რომლებიც პ-ჯერ არ ესწრებოდნენ არასაპატიო მიზეზით სხდომას სამოქალაქო მრჩეველთა საბჭოს დებულების შესაბამისად შეუწყდებათ უფლებამოსილება ეს წევრები არიან:

1.გრიგოლ ლობჯანიძე-ამბროლაურის მუნიციპალიტეტის ლიხეთის ადმინისტრაციული ერთეულის მოსახლეობის წარმომადგენელი,მცხოვრები სოფელ ლიხეთში

2.გიორგი მელაშვილი- ამბროლაურის მუნიციპალიტეტის წესის ადმინისტრაციული ერთეულის მოსახლეობის წარმომადგენელი,მცხოვრები ამბროლაურის მუნიციპალიტეტის

3.ნათელა მეგრელიშვილი-ამბროლაურის მუნიციპალიტეტის ხოტევის ადმინისტრაციული ერთეულის მოსახლეობის წარმომადგენელი,მცხოვრები სოფელ ხოტევში

4.გოჩა ნეფარიძე-ამბროლაურის მუნიციპალიტეტის ველევის ადმინისტრაციული ერთეულის მოსახლეობის წარმომადგენელი,მცხოვრები სოფელ ველევში

5. .ელზა ფარჯიანი-ამბროლაურის მუნიციპალიტეტის ნიკორწმინდის ადმინისტრაციული ერთეულის წარმომადგელი,მცხოვრები სოფელ ნიკორწმინდაში

6. .ნესტანი იმედაძე- ამბროლაურის მუნიციპალიტეტის ჟოშხის ადმინისტრაციული ერთეულის წარმომადგენელი,მცხოვრები სოფელ ჟოშხაში

7. .ისიდორე რაზმაძე-ამბროლაურის მუნიციპალიტეტის ღადიშის ადმინისტრაციული ერთეულის წარმომადგენელი,მცხოვრები სოფელ ღადიშში

8 .მერაბ ჩოგოვაძე- ამბროლაურის მუნიციპალიტეტის ცახის ადმინისტრაციული ერთეულის წარმომადგენელი,მცხოვრები სოფელ ცახში

9.ქეთევან ლორთქიფანიძე-ამბროლაურის მუნიციპალიტეტის ხვანჭკარის ადმინისრტაციული ერთეულის წარმომადგენელი,მცხოვრები სოფელ ხვანჭკარაში

10.ლუდმილა ჭეიშვილი-ამბროლაურის მუნიციპალიტეტის ჭყვიშის ადმისტრაციული ერთეულის წარმომადგენელი,მცხოვრები სოფელ ჭყვიშში.

საბჭოს შემადგენლობა განისაზღვრება 12 პირით.

აზრი გამოთქვეს: საბჭოს წევრებმა აღნიშნეს, რომ საჭიროა აქტიურად ჩაერთონ მუნიციპალიტეტის პროგრამისა და პროექტების დაგეგვმის პროცესში და გააუდერონ ყველა ის პრობლემური საკითხი რომლის გადაწყვეტილების უფლებამოსილება გააჩნია მერს.

მერმა მოუწოდა საბჭოს წევრებს, რომ მოგვაწოდონ ინფორმაცია ყველა იმ საკითხის შესახებ რომელიც საჭიროებს მერიის მხრიდან რეაგირებას, რა შეიძლება გაკეთდეს და არ კეთდება, რა არის სოფლის პრობლემა და მუნიციპალიტეტის მიერ გადასაწყვეტი, რა აწუხებს მოსახლეობას და რა იქნება უკეთესი რომ გაკეთდეს. მუნიციპალური პროგრამის მიხედვით, სამედიცინო (ჯანდაცვის) კუთხით პროგრამაში ჩამატება მოსახლეობის მოთხოვნის შესაბამისად მათი ავადობის მიხედვით, რა უფრო სარგებლიანია მათვის, რომელის შეიძლება დაემატოს (გათვალისწინებული იყოს) სამომავლოდ პროგრამაში.

საბჭოს წევრები გაეცნენ სოციალური დასაქმების პროგრამას სადაც მუნიციპალიტეტის მიერ სოციალურად დაუცველი მოქალაქეებისთვის შეთავაზებული იქნა 108 ვაკანსია, მომდევნო ეტაპზე იგეგმება კიდევ 105 ვაკანსის მიწოდება სააგენტოსთვის, ვაკანსიები შეეხება სოფელში არსებული სასაფლაოების მოწესრიგებას, ადმინისტრაციული შენობების დასუფთავებას, წყალმომარაგების ექსპლუატაციის დროს დამხმარე სამუშაოებზე, მნიშვნელოვანია ყველა სოციალურად დაუცველ პირამდე მიტანილი იქნას დასაქმების შესაძლებლობის შესახებ ინფორმაცია. ანაზღაურება წარმოადგენს 300(სამასი) ლარს და დასაქმების შემთხვევაში 4 წლის განმავლობაში არ მოხდება ოჯახების გადამოწმება.

მუნიციპალიტეტის მიერ დაწყებულია 2023 წლის პროგრამულ ბიუჯეტზე მუშაობა, სამუშაო ჯგუფის წევრი უნდა იყოს სამოქალაქო მრჩეველთა საბჭოს თავმჯდომარე, მის არჩევამდე პრიორიტეტის დოკუმენტის შედგენაზე მომუშავე სამუშაო ჯგუფის წევრის ადგილს დაიკავებს საბჭოს თავმჯდომარის მოადგილე, მნიშვნელოვანია საბჭოს წევრებმა წარმოადგინონ ინფორმაცია რამდენად კმაყოფილია მუნიციპალიტეტის მოსახლეობა არსებული სოციალური, ჯანდაცვის, განათლების, კულტურის პროგრამებით, არის თუ არა ისეთი ინიციატივა რომლის დაფინანსებაც შესაძლებელია მუნიციპალიტეტის მიერ გათვალისწინებული იქნას 2023 წლის ბიუჯეტში და მოსახლეობისთვის მნიშვნელოვანია საკითხის გადაწყვეტა.

აზრი გამოთქვა: ირინა კერესელიძემ აღნიშნა რომ პრობლემას წარმოადგენს ქალაქში არსებული მაწანწალა ძალის მიზანთ საფრთხეს უქმნიან მოსახლეობას, საჭიროა მოხდეს ძალლების ტერიტორიიდან გაყვანა.

მოისმინეს: ზვიადი მხეიძემ აღნიშნა რომ ძალლების ქალაქიდან გაყვანის მიზნით არაერთხელ მოხდა ტენდერის გამოცხადება და ძალლების გაყვანა მიუხედავად ამისა პრობლემა მაინც ვერ მოგვარდა, აქტიურად განიხილება ძალლების თავშესაფრის მოწყობის საკითხი რომელიც შესაძლოა განხორციელდეს როგორც ინტერმუნიციპალური პროექტი.

აზრი გამოთქვა: ბესივ ბაქრაძემ და ივანე სხირტლაძემ სასოფლო გზების მდგომარეობასთან დაკავშირებით, საჭიროა სანიაღვრე არხების მოწყობა რადგანაც გზების ნაწილი ისეა დაპროექტებული სანიაღვრე არხები არ არის გათვალისწინებული, ასევე დაინტერესდნენ სოფლის პროექტების მიმდინარეობით.

მოისმინეს: ზვიად მხეიძემ აღნიშნა რომ ყველა პროექტში რომელიც მიმდინარეობს და ითვალისწინებს გზის ბეტონის/ასფალტის საფრით მოწყობას გათვალისწინებულია შესაბამისი სანიაღვრე არხები, უკვე დაწყებულია სოფელ ძირაგეულში ასფალტირების სამუშაოები რომელიც გზასთან ერთად ითვალისწინებს სანიაღვრე არხების მოწყობის სამუშაოებს, ასევე 2022 წელს სხვა პროექტებთან ერთად განხორციელდება სოფელ სხვავაში გზის ასფალტირების სამუშაოები და აქაც გათვალისწინებულია სანიაღვრე არხების მოწყობის საკითხი. სოფლის პროექტების განხორციელების მიზნით მიმდინარეობს სახარჯთაღრიცხვო დოკუმენტაციის მომზადების პროცესი და 01 მაისიდან დაიწყება ხელშეკრულების გაფორმება სამუშაოების შემსრულებელ პირებთან.

აზრი გამოთქვა: ირინა კერესელიძემ აღნიშნა რომ პრობლემაა სოფელში სასმელი წყლის აუზებთან დაკავშირებით, საჭიროა ჩატარდეს წყლის დაქლორვის სამუშაოები, წვიმიან ამინდში განსაკუთრებით მძაფრად დგას სასმელი წყლის დაბინძურების პრობლემა, ასევე მნიშვნელოვანია სოფლიდან საყოფაცხოვრებო ნარჩენების გატანის საკითხი, ვარგი იქნება თუ გაიზრდება ნარჩენების გატანისთვის განსაზღვრული დღეების რაოდენობა, გაზაფხულიზაფხულის სეზონზე იზრდება სოფლად მცხოვრები მოსახლეობის რაოდენობა და ნარჩენების გატანის საკითხი კიდევ უფრო მეტად აქტუალური გახდება.

მოისმინეს: ზვიადი მხეიძემ აღნიშნა რომ დაგეგმილია დასუფთავებისა და კეთილმოწყობის სამსახურის თანამშრომლებთან შეხვედრა სადაც განხილული იქნება აღნიშნული საკითხი, ასევე ამინდის გამოსწორების შემდგომ დაგეგმილია წყლის სათავე ნაგებობის გაწმენდისთვის საჭირო სამუშაოების განხორციელება.

აზრი გამოთქვა: თამარ ფრუიძემ აღნიშნა რომ საჭიროა ახალგაზრდების მუნიციპალიტეტის საცხოვრებლად დარჩენის კუთხით მოხდეს გარკვეული მხარდაჭერის პროექტების განხორციელება, რადგანაც ადგილზე ვერ ხდება ახალგაზრდების დასაქმება და ისინი ტოვებენ მუნიციპალიტეტს.

მოისმინეს: ზვიადი მხეიძემ აღნიშნა რომ მისთვის ძალიან მნიშვნელოვანია ახალგაზრდების მხარდაჭერა, მუნიციპალიტეტში მიმდინარეობს მხარდაჭერისა და ახალგაზრდული პოლიტიკის დოკუმენტის შემუშავების კუთხით მუშაობა და მუნიციპალიტეტი მაქსიმალურად შეეცდება ხელი შეუწყოს ახალგაზრდებს.

ასევე მერმა საბჭოს წევრებს გააცნო ინფორმაცია, გრანტის მოპოვებასთან დაკავშირებით, რომელიც 500 000 ევროდან იწყება და მაქსიმუმია 1 000 000 ევროა, პროექტის ფარგლებში დაგეგმილია ინეტერმუნიციპალური -ამბროლაური ონის მუნიციპალიტეტის ერთობლივი პროექტის დაფინანსებისთვის განაცხადის წარდგენა, ამ მხრივ მნიშვნელოვანია მოსახლეობის აზრის გამოკითხვა, რათა შევარჩიოთ ისეთი პროექტი რომელიც მეტ სარგებელს მოუტანს მოსახლეობას, ვარგი იქნება საბჭოს წევრები თუ წარმოადგნენ კონკრეტულ იდეებს.

დაადგინეს: უახლოეს პერიოდში დაიგეგმოს საბჭოს სხდომა, რათა მოხდეს 2023 წელს დასამტკიცებელი პროგრამებისა და პროექტების განხილვის პროცესში სამოქალაქო მრჩეველთა საბჭოს წინადადების გათვალისწინება.

საბჭოს თავმჯდომარის მოვალეობის შემსრულებელი

ირინა კერესელიძე

/

მრჩეველთა საბჭოს მდივანი

მზია მიქაუტაძე

/  /